

DISPUTATIO JURIDICA,
De

CONTRACTI- BUS IN GE- NERE,

Quam

UNIUS & TRINI auctoritate favente

*Amplissimo Actorum ordine in celeberrimâ Jenensi
Academiâ consentiente,*

SUB PRÆSIDIO

HIERONYMI Mùhlpsforts /

Jenensis, J. U. Doctorandi,

Exercitiu gratiâ defendet

PAULUS KRUMPHAAR,

Variscus.

ad d. Februar.

J E N Æ,

Typis LOBENSTEINIANIS,

Anno M. DC. XLIII.

V I R O

Magnifico, Nobilissimo, Amplissimo
& Consulissimo

DN. ZACHARIÆ Præschencen/
JCto, & Antecessori Juris Publi-
ci celeberrimo, aulæ Vinar. Saxonicae Consi-
liario gravissimo, Facultatis Juridicæ inclytæ
Seniori meritissimo, nec non Dicasterii Pro-
vincialis & Scabinatûs, qui hîc est loci, Adses-
sori spectatissimo, &c Dn. Patrono, Promotori
& Præceptori suo omni honoris, & reveren-
tiæ cultu æviternum pro-
sequendo:

hasce Theses
Juridicas

insinuat

se se suaq; studia commendat
& ad quævis officiorum
genera offert & consecrat

Paulus Krumphaar.



Cum Deo!
PRÆFATIO.

Incredibilem, per vastum totius
juris quasi Oceanum diffusam contra-
ctuum materiam, amplitudinem, diffi-
cultatem, summamque ejus utilitatem,
nec non necessariam tam in foro,
quàm judiciis usum, & frequentiam,
imò sapientiam, æquitatem & pietatem veterum Ju-
risconsultorum ex lumine naturæ profectam, inq;
variis, ac æquis contrahendarum rerum formulis re-
conditam, & pulchrè, accuratèq; à summis & claris
viris proditam, jam jam vivis & veris depingendi co-
loribus ut opprimamus & arripiamus occasionem,
hanc nostri ratio instituti commodè feret: Quippe
breves hic disputatores, non verò longi erimus Rhe-
tores. Et quis erit etiam, qui vel limina nostræ juris
scientiæ salutarit, cui non hæc facillè omnia sunt obvia?
Hæc enim materia ex variis prolixisq; & obscuris Juris
consultorum scriptis, imperatorumq; rescriptis diffi-
cilis ostenditur; In Repub. ob rerum commutatio-
nem, utilis demonstratur; ex hominum indigentia,
necessaria probatur; exq; quotidiano contractuum
exercitiò, frequens, cognoscitur. Quid causæ est, cur
non ex contractuum varietate, eorumq; formulis ad
Romanæ Reipub. statum, exquisitissimo artificio ac-

commodatis, contractus, summæ sapientiæ, & quòd
in singulis quæri soleat, quid quantumq; alterum al-
teri præstare oporteat: siue ad quid alter alteri vel ex
naturâ cuiusq; contrâctus, vel ex pactis contractibus
adjectis, obligetur, & teneatur, *Tr. p. 1. §. 27. tb. ult. c.*
iuxta æquitatis & pietatis esse videantur? Nam ea est
contractuû æquitas & æqualitas, ut nullius, & ne Prin-
cipis quidem personam aliis privatis & vilibus homi-
nibus præferant, eamq; pluris faciant: nec eorum lan-
cibus Imperatoriæ dignitatis & gloriæ altitudo obstat,
quò minus par jus Principi & plebeio expendant, vel
eandem, quam à subditis postulant, in contrahendo
ab Imperatore ipso fidem exigant. Tanti enim emit-
tem Imperator, quanti rusticus *Oldend. in class. 4. pr.*
quòd hic non inæqualitas personarum, sed rerum ip-
sarum æqualitas exactè sit attendenda. *Wesemb. in π*
d. 7. & 7. n. 11. Idq; est, quod facit, ut æquè princeps,
ejusq; successores, jure naturæ ad contrâctus obser-
vantiam adstringantur, ac quivis privatus per *c. 1. X.*
d. prob. ibiq; Canonista. quia contrahendis in negotiis
principes privatorum jure utuntur *Bachov. ad Tr. p. 1.*
disp. 6. tb. 7. b & Tr. Wesemb. in π. d. const. princ. n. fin.
Bald. inc. 1. d. nat. feud. Quare post habitis hujus rei
pluribus encomiis, quibusea ab aliis satis exornatur,
tantùm qui labor hic noster futurus, & quò ordine is
processurus sit, paucis ut indicemus, usus erit. Cer-
tos enim mihi fines, terminosq; constituam, extra
quos egredi non possim, si maximè velim: ut & mihi
sit propositum, de quo agam: & henevolus lector sta-
tim in initio expositum habeat, quid, & quo modo
tractaturus sim omnia. Explicabimus autem non

*integram contractuum materiam, aut quasvis eorum-
species; sed generalem duntaxat contractuum conside-
rationem & ventilationem subire nobis est animus, &
quidem ea via, ut totum hujus disputationis corpus
quatuor sectionibus absolvamus. In 1. enim videbi-
mus definitionem nominalem, & realem in 2. divisionem,
in 3. causas & effectum, in 4. contraria. Quæ omnia ut
prosperè procedant, & ex sententia agantur, Divinum
numen nostris viribus subveniat, & adsit, precamur!*

SECTIO PRIMA.
De
DEFINITIONE.

§. 1.

Contractum, à contrahendo dictum, varia apud au-
thores, gentes, & in jure nomina fuisse sortitum est pre-
mittendum. Dicuntur enim contractus apud Cic.
res contrahendæ, in primis lib. 1. offic. p. mibi 13. & lib.
3. ubi ita dicit: tollendum est ex rebus contrahendis omne menda-
cium: p. 202. & lib. 2. p. 147. Gracia ουράνα, quæ vocatur l. 7. ff.
d. p. ælis. Germanis: Eine bindliche hin und wieder Handlung
Oldend. d. 1. Et si pro contractu utuntur vocabulo negotii l. 15.
d. pref. verb. l. 17. §. 3. commod. l. 5. d. R. 3. & obligationis,
per metonymiam effectû pro causâposito. l. 5. d. 7. & 7.

§. 2. Vox contractus sumitur, vel latissimè, ubi delicta
quoq; comprehendit, quæ lib. 5. Eth. respectu patientis nomi-
nantur contractus involuntarii, & l. 52. ff. d. re judic. actio re-
rum amotarum ex malè contractu, i. e. delicto nata dicitur,
vellatè, quâ significatione venit donatio, transactio l. 7. C.
quod met. caus. matrimonium pr. 7. d. nupt. l. 7. d. agnosc. liber.
§. 3. inf. 7. d. donat. acceptilatio, quatenus ea concurrente
consensu creditoris, debitum condonantis, & debitoris con-
donationem postulantis & acceptantis fit, & inde quasi con-

tractus formam induere videtur. teste Ludov. Molin. tom. 2. d. contract. disp. 25. in f. arrhæ datio l. 17. C. d. fid. instrum. secundum, pacta legitima, Dd. vulgo arg. l. 6. d. pact. arg. l. 20. d. judic. Imò quilibet titulus interdum, quò dominium transfertur l. 1. C. ol. fund. doml. l. ult. C. d. reb. alien. non alien. l. 4. nic. C. d. contract. judic. vel eorum & c. ibiq. V. esemb. vel propriè ubi contractus nihil aliud est, quàm conventio cum causâ, sive synallagmate, i. e. tale negotium, quod super dando aut faciendo, aut utroq. simul, geritur, & per se, sine externo juris civilis adminiculò, ad obligationem producendam, est efficax. l. 3. pr. d. O. & A. 1. 2. pr. d. V. O. Donell. lib. 12. com. jur. civil. c. 6.

§. 3. 1. Generis locum tenet conventio, quæ latior est ipso contractu, quia ea quodvis pactum comprehendit, & conventionis verbum generale est, ad omnia pertinens, de quibus negotii contrahendi transigendiq. causa consentiunt, qui inter se agunt, imò adeo hoc verbum generale est, ut Pedius in l. 1. §. 3. ff. d. pact. dicat, nullum esse contractum, nullam obligationem, quæ non habeat in se conventionem.

§. 4. Hinc asserimus, non rectè generis loco obligationem poni: & à vero aberrare illos, qui contractus definitionem, perfectè à Labeone propositam in l. 19. d. V. S. sentiant; tum, quia obligatio est effectus contractus l. 1. pr. ff. d. O. & A. & ita eo posterior, tum quia contractus est factum quoddam l. 7. §. fin. d. curat. furios. i. e. tractatus quidam inter contrahentes, qualis v. g. inter emptorem & venditorem in l. 8. vers. quod si videlicet C. d. rescind. vend. legitur l. 32. pro soc. Obligatio verò non est facti, sed juris §. 1. f. d. Oblig. Neq. Labeonis propositum fuit, contractum definire, sed solum differentiam inter actum, gestum, & contractum ostendere.

§. 5. II Differentia specifica latet in verbo causa sive συναλλαγή. l. 15. d. prescrip. verb. l. 7. §. 1. 2. & 4. d. pact. cuius verbi proprietate tale negotium civile notatur, in quò hinc inde aliquid datur aut fit, vel de aliquo vicissim dando aut faciendo tractatur, uti id explicat Bachov. ad Tr. p. 1. disp. 20. ib. l. 1. C.

§. 6. Et hæc differentiâ contractus segregantur à pactorum

Actum coram, in quibus ejusmodi negotium aut causam non reperimus *d. l. 7. §. 4* sed ea in nudo conventionis sive placiti fine consistunt *l. 27. C. loc. l. 15. C. fam. ereise.*

§. 7. Rejicimus hic *Bachov.* opinionem, qui hanc definitionem solis contractibus innominatis propriam facit *d. disp. 20. tb. 1. C.* quia *F.* ipsemerita vocem causæ sive *συνάλλαγμα* explicat, ut contractibus tam nominatis quam innominatis accommodari possit, uti *ex 5. §. patet & II.* expresse obstat *l. 7. §. 1. & 2. ff. d. pact.* in qua Ulpianus duas species constituit conventionum, quæ pariant actionem, alteram quæ habet nomen, & negotium, alteram, quæ habet solum negotium & causam. Licet enim in priori specie negotii non faciat mentionem, id tamen subesse præsupponit, quod non modo particula adversativa in *d. §. 2. sed;* quæ dissimilitudinem inter contractus nominatos & innominatos propter nomen, quod hi non habent, monstrat; sed & vocula; *tamen;* quæ propter præsentem causam similitudo & convenientia inter utramque speciem oculis subjicitur. Facit *III.* quod *Cann. lib. 5. teste Wesemb. in π d. pact. n. 9. p. mibi 176. scribit:* Quibus conventionibus inest synallagma & commutatio commerciorum, ex his propter utilitatem commerciorum oritur obligatio civilis. At quin synallagma in contractibus tam nominatis quam innominatis est, *E.* nascitur ex omnibus obligatio civilis. Quod si sit, utiq; præsupponendum, in omnibus negotium civile sive causam esse, sine qua nunquam habebimus in conventionibus obligationem civilem, ad agendum per se efficacem. Nam in causâ forma essentialis contractus consistit *l. 32. in verb. nullum negotium mecum contraxisti d. reb. cred.*

§. 8. *III.* Diximus, *per se;* id est, *suâ natura, virtute intrinsecâ & efficaciâ.* Nam contractibus naturaliter, non aliunde, in est, ut actiones pariant *d. l. 7. §. 1. & 4. d. pact.*

§. 9. *IV.* Sine externo juris civilis adminiculo: quamvis enim contractus generaliter à jure civili sint confirmati; illa tamen externa legis confirmatio non facit, ut apud omnes gentes contractus recipi meruerint, & ex lis actiones proveniant.

niant. Qui fructus, concurrente necessitate vel utilitate, ex solâ contractuum natura & negotio, quod ipsi in se habent, prodeunt.

§. 10. Ex quibus patescit discrimen inter contractus & pacta legitima, ex quibus quidem etiam nascuntur actiones *l. 6. ff. d. pact.* sed ea ad id *specialiter* lege, vel Senatusconsulto, confirmata sunt. Qualis confirmatio contractibus non accessit, sed ii propter naturam & conditionem suam actionem parere intelliguntur. Extant autem variz pactorum legitimorum species apud *Tr. p. 1. disp. 6. th. 2. d. Wesemb. in π d. pact. n. 4 gl. ad d. l. 6.*

§. 11. An autem inter pacta legitima pactum compromissorium sit referendum, quaeritur? Quod verum videtur. *Giph. disp. d. pact. th. 23. per l. 5. C. d. recept. arbit.* sed contrariam sententiam magis probamus, quod illa pacta legitima dicantur, ex quibus ad id, quod pacto continetur, actio datur. Sed in *d. l. 5.* ex qua suam *Giph.* extruere conatur sententiam, actio non ex pacto, sed ex sententiâ arbitri nudo pacto partium electi, vel *tacite* nimirum silentio 10. dierum, vel *expresse*, subscriptione litigantium, homologatâ, nascitur. idq; in favorem actoris, ut ei victori æquè actione in factum ad exemplum iudicati, ac reo, actore condemnato, exceptione, consulatur, quia post approbationem laudum naturam sententiæ judicialis induere, & quasi transformari videtur. Et ita hunc iuxta *communiter* accipiunt *Dd. teste Bachov. ad Tr. p. 1. d. 12. t. b 4. C. & D.*

§. 12. *V.* Reliquis verbis in definitione positis *materia* quæ sunt *res & facta*, & *effectus* qui est *obligatio*, exprimitur, *l. 1. d. O. & A.* Quare, quod in *l. 49. d. O. & A.* dicitur, ex contractibus venire actiones, intelligere debemus compendii gratiâ id dictum, mediante scilicet obligatione.

SECTIO SECUNDA.

De

DIVISIONIBUS.

§. 1.

Multas contractuum species & divisiones in jure habemus. Est enim alia divisio à materiâ: undè contractus est vel publicus, vel Ecclesiasticus, vel privatus. l. 6. §. 3. de his qui ad SS. Ecclesiam conf.

§. 2. Publicus est, qui fit de rebus publicis, ut vestigalibus, sylvis, salinis, & similibus, quæ in patrimonio populi sive Reipub. esse dicuntur l. 14. ff. d. acquir. rer. dom. Giph. 7. ad §. 2. d. rer. divis. & §. 2. 7. d. in util. stipul. Gothof. ad l. 8. §. 8. d. pen.

§. 3. Ecclesiasticus est, qui de bonis Ecclesiasticis celebratur, ut sunt l. precaria tot. tit. X. d. prec. c. precaria 4. caus. 10. q. 2. l. 14. §. 5. C. d. SS. Eccles. Nov. 7. c. 4. II. Emphyteusis Ecclesiastica, quam in prædiis suis collegium Ecclesiasticum, adhibitis certis quibusdam solennitatibus d. Nov. 7. pr. §. 1. & c. 3. §. 2. & quidem juxta Nov. 120. c. 6. §. 1. perpetuò, quod Nov. 7. c. 3. & c. 7. prohibitum erat, unde huic Novellæ per d. Nov. 120. derogatur, constituere, & concedere potest. III. pignorationes rerum Ecclesiasticarum. Quæ modo generales sunt omnium videlicet bonorum, non sunt improbatæ. Speciales verò non valent d. Nov. 7. c. 1. in verbis: nec per specialia pignora occasionem &c. l. 21. C. d. SS. Eccles. quia specialis magis afficit rem, quàm generalis arg. l. 1. d. pig. & hypoth. l. 2. C. eod. IV. Antichresis; quam ob causam necessariam, puta ut fisco tributa debita solvantur, vel similem necessitatis casum, Ecclesia inire potest. Vbi tamen creditor eâ conditione pignus accipere debet, ut is non omnes pro usuris lucretur fructus, ut in antichresi civili l. 11. §. si antichresis ff. d. pig. l. 33. d. pig. off. l. 14. l. 17. C. d. usur. sed duntaxat usq; ad quartam partem centesimæ, i. e. quatuor pro centum, & quod super est ex fructibus, hoc in sortem computetur, eamq; minuatur d. Nov. 7. c. 4. Quomodo antichresis Ecclesiastica in favorem religi-

B

onis

onis & Ecclesiæ, ab antichresi civili differt, quæ differentia probè est notanda.

§. 4. Privatus est, qui de re familiari fit l. 7. §. 14. d. pact.

§. 5. Alia divisio descendit à modo contrahendi, unde quidam contractus dici possunt immediati, quidam mediati: Illi sunt, quos nosmet ipsi contrahimus; hi qui per eos, qui nostro juri sunt subjecti, vel bonâ fide nobis serviunt, aut aliâs sua officia in negotiis contrahendis præstant tor. tit. 7. per quas pers. cuiq. acquir. tit. 7. d. stipul. serv. & tit. 7. per quas pers. oblig. acquir. contrahuntur.

§. 6. Immediati sunt vel principales, vel accessorii Principales sunt vel veri, in quibus vera, & expressa conventio intervenit, vel quasi contractus, quibus subest non conventio expressa, sed tacita §. 1. in verb. quas ex nullo contractu, §. 2. nullum enim negotium. §. 3. non intelligitur ex contractu 7. d. oblig. qua ex quasi contract. nasc. Et differunt veri & quasi contractus non nisi qualitate conventionis, quod illos expressa, hos tacita conventio constituit. l. 13. in f. ff. commod. l. 33. d. cond. indeb. §. pen. 7. d. oblig. qua ex quasi contract. nasc. l. 5. §. 3. ff. d. O. & A.

§. 7. Veri sunt aut nominati, aut innominati: Nominati sunt, qui ob frequentiam, & certam contrahendi formam ac speciem nomen invenerunt l. 7. §. 1. ff. d. pact.

§. 8. Et horum quidam sunt reales; ut mutuum pr. commodatum §. 2. depositum, §. 3. 7. quib. mod. re contrah. nonnullus verbalis; ut stipulatio, tor. tit. d. V. O. 7. & ff. consensuales, ut emptio venditio tit. 7. d. empt. & ff. & C. d. contrab. emp. locatio conductio 7. ff. & C. locat. societas tit. 7. d. socier. ff. pro soc. mandatum 7. d. mand. ff. & C. cod. 7. tit. d. oblig. ex conf. & deniq. litterarum obligatio de qua in tit. 7. d. litter. oblig. tractatur. Quæ tamen hodie non amplius est in usu, nec scriptura sola obligationem inducit, sed ad probandû tantûm prodest Giph. 7. ad d. tit. Bachov. ad Tr. p. 1. d. 20. lb. 2. B.

§. 9. Innominati sunt, quibus quidem ob sui infrequentiam, & vagam, confusam, & indeterminatam naturam certum nomen jure civili non est impositum, causa tamen & nego-

negotium subest, ut suâ naturâ ad obligationem producendam habiles sint *d. l. 7. §. 2. Diss. Wesemb. in π. d. pact. n. 9. quæ Bachov. ibid. refutunt.*

§. 10. Qui duplicis generis sunt, vel negotium tam ambiguum & multiplex est, ut necias ad quam contractus speciem sit referendum *l. 1. ff. d. præscrip. verb.* vel cum quidem apparet quale sit, sed redigi ad nominatorum ordinem nequit *l. 5. d. præscrip. verb.*

§. 11. Priôris generis est, cum *I.* res æstimata vendenda datur, unde nascitur actio æstimatoria, de qua in §. 28. *J. d. æst. l. 1. & 101. tit. ff. d. æstim. æst. agitur*, & *II.* quando certæ rerum species cum speciebus commutantur, quod negotium permutatio dicitur, quam *d. §. 28. l. 1. & 101. tit. ff. & C. d. rerum perm. declarant.*

§. 12. Posterioris verò generis quatuor species referuntur, ut do ut des, do ut facias, facio ut des, facio, ut facias. *l. 5. ff. d. præscrip. verb.* Ex quibus *per se* non descendit condictio, sed actio præscriptis verbis, quâ agitur ad id, ut damneris, quanti mea inter sit, contractum fuisse impletum *d. l. 5. §. 1. Quæ actio præscriptis verbis duplex est, alia quasi ordinaria*, quæ ex quatuor illis articulis sive speciebus contractuum in nominatorum nascitur, alia *quasi extra ordinaria*, & *subsidiaria*, quæ ex variis negotiis, quæ sub quatuor illas species commodè referri non possunt, oritur & actione aliâ deficiente ex mera æquitate datur, *l. 11. l. 12. & passim ff. d. præsc. verb. ibiq; Wesemb. in π. n. 6. Bachov. ad Tr. p. 1. d. 24. tb. 5. C.*

§. 13. *Quasi contractuum species* sunt *I.* negotiorum gestio *§. 1. ff. d. oblig. quæ ex quasi contract. ff. & C. tit. d. neg. gest. II.* tutelæ administratio *§. 2. J. d. tit. III.* rerum communio *J. d. tit. & tit. ff. & C. comm. div. IV.* aditio hæreditatis *d. tit. J. §. 4. & V.* indebitum *d. tit. J. §. 6.*

§. 14. *Accessorii* sunt, qui aliis vel ad *secundariam*, ut pignus *§. fin. J. quib. mod. re contrah. & tit. ff. & C. d. pig. & fidejussio J. ff. & C. d. fidejuss. l. 1. §. 8. d. O. & A.* vel ad prioris debiti vel proprii vel alterius majorem confirmationem, ut constitutum *l. 5. §. 11. d. const. pecun. §. 9. J. d. æst. l. 1. C. d. const. pecun.* accedunt. Quamvis ego constitutum

tum potius pactis legitimis, quàm contractibus adfociandum putem *l. 1. d. const. pecun.* nisi quis vocabulum contractus late usurpaverit.

§. 15. *Mediati contractus sunt vel per servos & liberos simul i. e. filios familias, b. f. servientes, aut alios liberos:* Idq; fit, vel in *negotiatione maritimâ*, unde datur *actio exercitoria l. 1. §. 4. ff. d. exerc. act. §. 2. §. quod cum eo, qui in alien. potest. vel terrestri*; cuius nomine oritur *actio institutoria d. §. 2. §. l. 1. & tot. tit. ff. & C. d. inst. act.*: In quibus duabus actionibus conditio & forma præpositionis maximè servanda est, *l. 11. §. 3. d. inst. act.* quæ certam legem, ne extra causam vel rem, cui institutores vel magistri navium sunt præpositi, cum iis contrahatur, præscribit. Nam si contra actum erit, adversus exercitorem vel Dominum nulla dabitur actio *d. l. 1. §. 12 d. exerc. act. vel per servos, b. f. servientes, & filios f. tantum.* Quod fit 1. in *peculiari mercede*, quò casu competit *actio tributaria*, quâ iusta distributio mercis peculiaris à Dominò, cui prætor potestatem distribuendi inter creditores permittit, petitur *§. 3. inst. d. tit. l. 5. §. 7. & seq. d. trib. act. l. 1. §. ult. eod.* Nam si servus in peculiari merce i. e. eâ, in quâ Dominus sciens volensq; servo permittit, proprio nomine negotiari, versetur, & quid cum eo ejus rei gratiâ contractum erit, ita prætor jus dicit: ut quicquid in his mercibus extet, quodq; inde receptum sive paratum erit, id inter Dominum, si quid ei debebitur, & cæteros creditores pro rata portione distribuatur *l. 1. d. trib. act. Tr. p. 1. d. 24. sb. §. 8. B. 2. quando servus & filius familias pusillum patrimonium separatim à Dominico vel paternis bonis & rationibus habere à patre aut Domino conceditur l. 4. pr. §. 1. d. pecul. l. 37. §. 1. d. acquir. rer. & postmodum servi, aut filii f. non habentibus, seu ignorantibus dominis aut patribus fam. cum aliis contraxerunt*; quo casu habemus *actionem de peculio adversus patrem vel dominum*: de qua vide *§. 4, 5, & 6. §. quod cū eo, qui in alien. ex §. 10. §. d. act. 3.* Si servi & filii familias nullum habeant peculium, vel si habeant quidem, non in solidum tamen: tenentur *actione de in rem verso*, qui eos habent in potestate, si in rem eorum, quod acceptum est, conversum sit: qua-

quasi cum his potius contractum videatur, ad quos utilitas contractus pervenit *l. 1. ff. de in rem vers. d. §. 4. f. 4.* si jussu patris aut Domini servi & filii familias contraxerunt, ubi in solidum dominus & pater actione quod jussu conveniuntur, quia quodammodo cum eo contrahitur, qui jubet *l. 1. & ult. ff. quod juss. §. 1. f. quod cum eo. &c.*

§. 16. Deniq; aliam divisionem contractus accipiunt à sui qualitate. & dispescuntur in contractus bona fidei & stricti juris: quorum passim in jure fit mentio, ut in *l. 5. ff. commod. l. 13. C. d. pact. l. 1. C. d. rescind. vend. l. 21. C. loc. l. 3. C. d. reb. cred. l. 3. C. ex quib. caus. major. l. 3. C. in quib. caus. restit. in integ. l. 21. §. 4. quod met. caus. l. 32. §. 2. ff. d. usur. l. venditor com. prad. l. 22. d. donat.*

SECTIO TERTIA.

De CAUSIS & EFFECTU.

§. 1.

Causa efficiens contractus est vel principalis, vel minus principalis. Illa aut est remota, aut propinqua. Remota iterum duplex: vel est inductiva, vel approbativa. Inductiva est jus divinum & gentium. *l. 5. d. f. & f. §. 2. f. d. f. N. G. & civ. vers. ex hoc jure gentium omnes penè contractus introducti sunt.* Approbativa verò est jus civile arg. *l. 17. §. 3. commod. §. 1. in verbis: certo jure civili comprobata sunt f. d. obligat. ibiq; Giph.*

§. 2. An autem contractus & ex his enatae obligationes jure gentium ad actionem producendam sint efficaces, inter Dd. controvertitur. Ubi, salvo tamen aliorum summorum Jctorum judicio & auctoritate, qui in contrariam sententiam abire malunt, affirmativam opinionem defendimus, & ratione rudis generalisq; essentialis tamen, forma, actiones ju-

ris gentium esse statuimus. Quia I. magistratus, judicia, & ip-
sa Respub. quæ sine judiciis subsistere non possunt, ad jus
gentium referuntur, E. etiam actiones, quas in judiciis insti-
tuimus, cum magistratus officium suum, in juris & justitiæ ad-
ministracione, quæ in judiciis exercetur, consistens, non ni-
si legitimo modo imploratus, interponere solet *l. 4. §. 8. d. dam. infect.* Non tamen quis existimet, nos ita concludere;
quibus illa vel illa Respub. specialis utitur, ea esse juris genti-
um: Siquidem in confesso est, talia esse juris civilis: Verum
exinde æstimandum ducimus, an aliquid sit juris gentium, si
communi distante ratione aliquid apud omnes gentes sit ac-
ceptum *arg. §. 2. f. d. f. N. G. & Civ.* cum aliàs nullas conve-
niens distinguendi modus juris gentium à civili à posteriori
dari possit. Hoc autem in judiciis & actionibus contingere,
ita, ut natura dictitet, ne quis patiaturs vanis & inanibus pro-
missionibus se decipi, aut suâ se re defraudari, sed ut quod si-
bi legitimo debeatur modò, peratur, in quo essetia generalis a-
ctionis consistit *§. 1. f. d. act.* nemo facile erit, qui negaverit. Ne-
q; obstat, potestatem juris gentium hac in re parum elucere, &
qualis forma actionum illo fuerit jure, non perspicuè appare-
re: hujus enim rei ratio est in promptu: quia jus gentium,
ferè non nisi in Ideâ & in abstracto considerari potest, quod
applicatum singulis rebus, induit naturam juris civilis: quæ
tamen applicatio non facit, quo minus ea, quæ natura huma-
na constituit, & jam in Rem pub. certam introducta, mane-
ant juris gentium. II. quod contractus & obligationes, quas
juris gentium esse non negatur, sine remedio actionum & ju-
dicatorum, futuræ essent inanes, ideoq; merito & rationem
juris nostri ex obligationibus obtinendi juri gentium ac-
ceptam ferimus: sine actionibus enim nemo suum jus in judi-
cio persequi & consequi potest *l. 6. §. fin. d. neg. gest.* neq; nô-
bis adversatur, quod hic opponi possit; nec hoc modo fore,
ut negatis actionibus obligationes sint inutiles: cum execu-
tio regiâ manu fieri poterit; Verum stante hoc: E. sine im-
ploratione officii judicis seu regiæ manus, à partibus interpo-
sitâ, hoc factum? minimè: sed omnino eâ fuisse opus videtur.

Ista

Ista autem imploratio essentialiter ab ipsa actione non differt, uti post *Dd.* notat *Jas. ad pr. § d. act. n. 54. & seqq.* Pro qua assertione vide plura argumenta apud *Wesemb. in π. d. pact. n. 9. & ut. d. O. & A. n. 10.* quam probat *Bachov. ibid. & Tr. p. 2. d. §p. 26. ib. i. A. Ussill. ad proem. d. act. n. 38. & alii multi.*

§. 3. *Propinqua causa est consensus contrahentium l. 1. §. 1. d. pact.* Qui in contractibus est vel verus i. e. certis signis declaratus. *l. 52. inf. d. O. & A. vel presumptus l. 5. §. 1. d. tit. §. 1. §. d. oblig. qua ex quasi contr. vel simulatus l. 55. ff. d. contrah. empt. l. 16. d. R. §. & tot. tit. C. plus valere quod agitur quam quod simulate concipitur vel ambiguus, ex quo quid actum, aut plane non, aut difficulter apparet.*

§. 4. De ambiguis autem conventionibus seu actionibus hæc regula est observanda, *commodissimum esse, in iis omnium ambiguum ita accipi, quo res, de qua actum est, magis valeat, quam pereat l. 12. ff. d. reb. dub.* Veluti cum Stichum, Stipaler & sint plures Stichi, vel hominem vel Carthagini, cum sint plures Carthagines, nimirum una in Africâ, altera in Hispaniâ, ita ut ex incertitudine rei vel loci nesciam, quid & ubi præstandum sit. *Quibus in rebus dubiis id semper agendum est, ut quam tutissimo loco res sit bonâ fide contracta, nisi cum aperte contra leges conventum vel scriptum est l. 21. ff. d. reb. dub.*

§. 5. Quando itaq; verba generalia vel ambigua in contractibus occurrunt, (quamvis ad evitandam obscuritatē vel ambiguitatem tutius esse mihi persuaserim, stipulationes & contractus ita concipi, ut quæcunq; specialiter comprehendendi possunt, & debent, aperte contineantur,) tunc necesse est, ne quod conventum, in cassum abeat, ut rectam explicandi rationem petamus, vel *ex jure:* veluti *r. pater sibi & liberis suis stipulatus, intelligitur, liberis stipulatus ut heredibus, maxime si tum absentes vel nati liberi non essent: Imò si quis simpliciter, & nulla liberorum mentione factâ, contrahit, etiam liberis & heredibus sive successoribus suis cavisse creditur: sive rem dari, tradi vel restitui, sive quid fieri, convention-*
tione

tionem aut stipulationem comprehendatur l. 13. C. d. contrub. *stipul.* si tamen non aliud ex verbis, intentione, & mente contrahentium æstimandum est. 2. in hac stipulatione: Carthagini dare spondes? tempus jure inesse intelligitur, quo promissor ad pecuniam Carthagini dandam, utatur §. 5. J. d. V. O. Et illa interpretatio cæteris omnibus est fortior, quâ integrum jus commune manet, l. si unus 27. §. pactus 2. ff. de pact. *Aym. Cravett. conf. 581. n. 3. in fin. Johan. Gadd. in consil. Mart. purg. vol. 3. consil. 26. n. 6.* Ita Liphæ in causa D. Johannis Ernelli Schönlebens zu Budissen *Mens. sept. anno 1636. pronunciatum fuit: verb. sint.* Obnum wolunter ihnen dieses abgeredet worden/ daß allewege der nechste anverwande *Agnat* in dem Lehn allein *succediren*/ vnd die andern davon ausschliessen soll: die weil aber dennoch nach Sächsischen Lehnrechten / die des Orts gleichfalls in vbliger *Observantz* seyn/ das *jus representatio- nis*, welches die Brüder Kinder mit denen Brüdern in gleichen Grad vnd einerlen anverwandtschaft setzet/ in dergleichen Lehnsfällen statt hat/ vnd nicht vermuthlich / daß die mit befehlten diffals von den gemeinen Sächsischen Lehnrechten / vnd dero *Observantz* abzuweichen gemeinet gewesen/ 1c. So werden auch des verstorbenen Bruders Kinder nebens dem nochlebenden Bruder zugleich noch den Stämmen/ zur *succession* des Lehnguts billich zugelassen W. N. W. *Carpz. p. 3. const. 29. n. 9. 10. 11. vel ex natura contractus: ubi ea, quæ sunt de natura contractus* tacitè inesse creditur, etiamsi nihil de iis specialiter sit cautum sive actum, ut v. g. in mutuo res ejusd. bonitatis reddatur l. 3. ff. d. reb. cred. in venditione; ut venditor præstat evictionem emptori l. 6. C. d. *evict.* vel ex more & consuetudine: ea enim, quæ sunt moris & consuetudinis in b. f. judiciis debent venire l. 31. §. 20. d. *ad l. edict.* l. 71. ff. l. *cont. empt. vel ex æquitate*; ut tantum præstetur, quantum ex æquo & bono dari oporteat, l. 7. de *neg. gest.* Unde remissio pensionis ipsi colono facta propter sterilitatem unius anni, non obest domino, si sequentibus annis ubertas contigerit, sed integra pensio, etiam ejus anni, quo remisit, solvenda est l. 15. §. 4. loc. vel ex *affectione contrahentium* l. 6. inf. d. *pign. ibiq. Gotthof.*

§. 6. *Minus principalis est impulsiva sive provocatrix, quæ est necessitas & indigentia hominum junctâ justâ conventionis causâ l. 56. ff. d. pact. l. 2. §. circa ff. d. except. dol.*

§. 7. Contrahere autem possunt omnes, qui jure gentium vel civili super dando, faciendo, aut præstando consentire, & sese obligare possunt; sive qui specialiter non prohibentur.

§. 8. Prohibentur autem 1. pupilli sine tutoris auctoritate §. 9. f. d. in util. stipul. pr. f. de auct. tut. l. 5. pr. §. 1. ff. eod. 2. minores curatorem habentes l. 3. C. d. restit. in integ. Röntg in proc. c. 84. n. 3. 9. & 11.

§. 9. An autem minor curatorem non habens res suas immobiles, aut pretiosas mobiles sine decreto judicis perfecte alienare possit: quod negandum censemus, arg. l. 22. C. d. adm. tut. l. 1. & 10. tit. C. d. præd. minor, ne minor, cui alias rerum administratio non facile permittitur, plus juris, quam curator, decreto judicis rebus minoris administrandis præpositus, habeat, uti Idalias diss. d. transf. th. II. defendimus.

§. 10. Idq; adeo verum est, ut restitutione contravenditionem sine decreto judicis cum minore contractatâ, à minore impetratâ, ne pretium quidem emptori sit restituendum, nisi id in utilitatem & verum, non vero solum & simulacrum, minoris usum versum, & erogatum ab emptore probeatur, seu minor ex pretio locupletior factus sit l. 27. §. 1. in f. d. minor. Quod maxime in eo emptore procedet, qui tum pretium dederit, cum minorem id perditurum non ignoraret l. 24. §. 4. d. min. l. 32. §. 4. ff. d. administ. tut. Imò in d. l. 34. §. 5. à Modestino responsum est, nec sumptibus voluptatis causâ ab emptore factis adolescentem onerandum esse: qui tamen ab eod. edificio ita auferri possunt, ut in facie pristina id est quæ fuit ante venditionem, edificium esse possit emptori auferre permitti oportere.

§. 11. 3. Prodigus l. 6. d. p. O. 4. furiosus, mente capta, l. 1. §. 12. d. O. & A. §. 8 f. d. in util. stipul. nisi obligatio ex re veniat, ubi & hi & superiores obligantur l. 46. d. O. & A.

§. 12. 5. Inebrio, qui furioso quodammodo similis, distinctione est opus inter ebrietatis gradus, pro quorum di-

veritate diversum jus est statuendum, in quam rem vid.
Gæll. d. contrah. stip. r. 7. conclus. 11. n. 166. Tr. p. 1. d. 6. 1b. 5. A.
ibiq; Bachov.

§. 13. 6. *Magistratus Romani, eorumq; officiales l. unic. s. 1, 2, 3. C. d. contrah. judic. & eorum, qui circa &c. l. 62. pr. ff. d. cont. empt.* Qui titulus an hodie, cum magistratus perpetui esse cœperunt, suum habeat usum, dubitatur, quod negat. *Wesemb. in π. C. ad h. t. Diss. vero Bachov. ad Tr. p. 1. disp. 20. 1b. 4.* quod, cum ratio hujus prohibitionis impendeat à præsumta impressione terroris, ead. inperpetuis magistratibus militat, & *d. l. unic. s. 2.* indistinctè loquitur. Quæ opinio ex his rationibus nobis quoq; placet. conferantur *l. 46. ff. d. contrah. empt. l. 34. d. reb. cred.*

§. 14. *Causa materialis sunt regulariter res in commercio hominum existentes §. ult. j. d. V. O. l. 2. ff. eod. & facta d. §. ult. & l. 3. pr. ff. d. O. & A.*

§. 15. *Hæc autem facta debent i. esse honesta.* Nam quæ lædunt pietatem, existimationem, verecundiam nostram, & ut generaliter dixerim, contra bonos mores & leges fiunt, nec facere nos posse credendum est *l. 15. ff. d. cond. inst. l. 5. C. d. LL.*

§. 16. Sed quid sentiendum de promissione, meretrici factâ, an quod illi promissum, exigere possit? Quod ex ratione & ratiocinatione Ulpiani affirmamus, qui in *l. 4. §. 3. ff. d. cond. ob turpem caus. dicit:* conditioni ob turpem causam solius dantis turpitudinem nullum facere locum: & meretricem quidem turpiter facere, quod sit meretrix: non autem, turpiter accipere, cum sit meretrix: sed aliter esse, si solius accipientis turpitudine versetur, cui casui hic noster casus, ubi solius dantis turpitudine intervenit, opponitur, ideoq; & omnibus suis membris oppositum esse oportet. At constat, ubi sola accipientis vel stipulantis turpitudine est, nec promissum, exigere, & quod datum, condici posse *l. 1. & 2. d. cond. ob turp. caus.* adeo, ut nec promissio, nec datio, suum sortiatur effectum: Cui cum directè contrarius casus sit, ubi turpitudine versatur ex parte solius dantis vel promittentis, in utroq; etiam membro contrarium erit statuendum, ut neq; datum condici,

dici, & quod promissum, postulari possit, & ita datio & promissio valida sit, ei; qui accepit, exceptio, & stipulanti exactio concedatur. Et aliàs, hic casus, si quid meretrici datum, sive promissum, non differret, ab eo, ubi utriusq; turpitudine deprehenditur, in quo accipienti quidem retentio, sed stipulanti exactio non datur. Quam opinionem communem testatur *Salic. in d. l. 4. §. 3.* eamq; probat optima ratio, quia stipulationi nulla subest causa turpis: Si quidem si meretrix non turpiter accipit, nec turpiter stipulabitur. Convenit quoq; hæc sententia seculo Ulpiani, quo lupanaria permixta, Veneri templæ edificata & ut apud *Tacit. 2. ana.* legimus, matrone solitæ corpus vulgare, professæ licentiam stupri apud ædiles, ne in poenam *L. Jul.* inciderent. Inde idem Ulpianus in *l. 27. ff. d. pet. hered.* testis est, in prædiis multorum honestorum virorum lupanaria exerceri solitum. *Sveionius* quoq; narrat *C. Cæsarem Caligulam*, illud humani generis portentum vedtigal ex capturis prostiutarum accepisse, quantum unò concubitu quæq; mereret: additumq; ad caput legis, ut teneretur publico, & qui meretricium & qui lenocinium fecissent, in *Calig. l. 40.* Et paulo post, in *c. 41.* de eod ita scribit: *At ne quod non manubiarum genus experiretur, lupanar in palatio constituit: distinctisq; & instructis pro loci dignitate compluribus cellis, in quibus matrone ingenuisq; starent; misit circum fora & basilicas Nomenclatores ad invitandos juvenes senesq;: præbita advenientibus pecunia senebris, appositisq;, qui nomina palam subnotarent, quasi adjuvantium Cæsaris redditus.* Quæ tamen omnia Pauli doctrinæ, quâ omnes scortationes damnantur, repugnant, nec verè Christianum principem aut subditum decent.

S. 17. 11. Possibilia: Quod enim impossibile est, neq; pactò neq; stipulatione potest comprehendil. *31 d. R. 7.* nec impossibile ulla obligatio datur *l. 188. d. sit.* Unde præceptum iudicis impossibile, nullius esse momenti respondit. *Paulus in l. ult. ff. qua sent. sine appell.*

S. 18. Formalis causa est, vel essentialis vel accidentalis. Illa est, quæ salva rei substantiâ non potest abesse & consistit

in synallagmate five negotio civili, de quo supra *sect. 1. §. 1. & 7. in f. actum* & dicitur status & natura obligationis *l. 9. §. 1. d. duob. reis l. 27. §. 2. in f. d. pact. termini contractus l. 24. de pos.*

§. 19. Et asserimus hic contra Cujac. *c. in π. C. d. pact. inter empt. & vend.* unum quemq; contractum habere suam, quandam propriam formam à lege vel moribus sibi attributam: ne si juxta mentem Cujac. contractus ex varietate & qualitate pactorum, quæ contractum & actionem formant, solum pendere statuere velimus, cogamur asserere, nullis adjectis pactis, contractuq; in suis communibus terminis relicto, quid existere posse, quod suam formam sit destitutum. Quod sane esset absurdum: quia forma, ut in physicis, sic etiam in rebus civilibus & actionibus humanis, est, quæ dat esse rei, & quæ destructa, interit res ipsa *gl. & Dd. ad l. 9. §. 1. in f. ad exhib. l. 7. quod si toto. d. acquir. rer. dom. v. Cypb. in disp. d. act. empr.*

§. 20. *Accidentalis* est, quæ adesse vel abesse, & sine, quæ contractus in se consideratus, consistere potest. Quæ concernit, adminicula *l. 72. d. contr. empr.* quæ sunt communia, ut dolus, culpa & casus fortuitus *l. 23. d. R. §. l. 5. §. 2. commod. de quibus singulis tractant Rittersh. ad d. l. 23. p. l. c. 4. §. 5. & 6. & Hackel. in quæst. Illust. disp. 9. ib. l. 2, & 3. & propria, ut evictio in emptione, quæ ipsam emptionem non perficit, sed ei tantum adjumento est *l. 72. pr. d. continib. empr.**

§. 21. 2. Pacta à contrahentibus adjecta: quæ contractibus accedunt vel *utiliter* vel *inutiliter*: priori casu vel contractibus *insunt* ita, ut partes contractuum esse censentur, & vel ob *affinitatem* pacti cum contractu vel *extensionem* per iudicis officium actionem contractus informant, quod ad id, quod pacto comprehensum, agi possit, quod accidit in *contractibus l. f. l. 13. C. d. pact. l. 7. §. 5. ff. eod. & stipulatione l. 4. §. 3. ff. d. pact.* ubi conditio pacto scilicet: constituta stipulationi inesse dicitur, *non etiam in mutuo: l. 11. §. 4. ff. d. reb. cred.* Et ratio differentia est, quod *duplex* sit *causa*, quæ faciat, quod minus pacta in continenti adjecta contractibus insint, vel quod re ineantur *arg. l. 17. d. pact. & pacta utpote consensu constan-* tia, ut incorporari & partem eorum efficere nequeunt: vel quod

quod eorum stricta sit natura, quæ ad pacta non recipiat extensionem. Ubi itaque utrumque impedimentum adest, sicuti in mutuo, simpliciter pacta inesse negamus: ubi verò utrumque deest, facilius, & frequentius pacta inesse legimus, quod fit in contractibus consensu constantibus: quando verò alterutrum tantum in conventionem occurrit, insunt quidem pacta, sed rarius & difficilius, quod videmus in *stipulatione* arg. l. 1. §. 12. ff. d. pact. & contractibus b. f. realibus: vel transformant contractum: tunc pactis circa substantialia contractibus consensu constantibus sive in continenti sive ex intervallo interpositis, prior contractus renovatur; imò novus constitutus videtur l. 7. §. 6. l. 27. §. 2. d. pact.

§. 22. Hæc vero transformatio fit tripliciter 1. ab initio quasi inducendo alium contractum, cum nimirum substantialibus sunt pacta contraria, & exempla sunt in l. 6. §. 1. d. act. empt. l. 6. d. prescrip. verb. 2. transformando in vicinum contractum, ut in l. 80. §. ult. d. contract. empt. §. ult. 7. mand. 3. alterando contractum, quod fit, cum non adest contractus affinis, & tamen æquitatis ratio pactum servandum suadet, quo casu contractus fit irregularis ut in l. 24. l. 26. ff. de pos. l. 31 locat. §. 2. 7. loc. Bachov. ad Tr. p. 1. d. 26. ib. 6. & ib. 3. B. C. & disp. 27. ib. 9. B.

§. 23. Inutiliter pacta adjiciuntur, quando 1. contractus est talis, qui ea in se non recipiat, cujusmodi exempla in jure passim habemus, veluti si convenerit, ut in b. f. iudicis dolus non præstetur l. 23. d. R. 7. aliud exemplum est in societate leonina l. 29. §. 2. pro soc. & æternâ l. 70. eod. in dote aliud l. 27. §. 2. in ff. d. pact. in precario l. 12. ff. d. precari aliud in emptione & venditione circa adminicula in l. 72. pr. ff. d. contr. empt. 2. quando non adest contractus vicinus, in quæ transmutatio fieri possit, nec ratio æquitatis observantiam pactorum suadet, exemplum poterit esse, si quis in contractu promiserit, se nolle à suo confecto testamento, & declarata

non redit uti ait *Constantinus Imper.* in l. 1. C. d. SS. *Eccles.* 3. Quando, deficiente iudicis officio, extensioni locus non est: cuiusmodi exemplum sumitur ex mutui datione. Pactum in hoc contractu, ut debitor plus reddat, quam acceperit, puta, viginti pro decem, est inutile: neq; hic nascitur obligatio ultra decem: quia mutuum re contrahitur, non potest igitur re nasci obligatio, nisi quatenus datum fuerit l. 17. pr. d. pact. l. 11. §. 2. d. reb. cred. Neq; valet, si, non ut mutuum, illud superdum saltem tamen, ut usuram, aut accessionem pecuniæ creditæ, peri posse, dixeris: Quia in strictis iudiciis propter eorum strictam rationem & naturam officio iudicis non æquè usura, atq; in bonæ fidei contractibus, id quod interest, obtineri potest l. 49. §. 1. d. act. empt. l. 54. pr. loc. nam in strictis contractibus, (quale est mutuum) uluræ peri non possunt citra vinculum stipulationis l. 3. C. d. usur. cum similibus.

§. 24. 3. Ad accidentalem formam pertinet adjectio temporis: Nam obligationes, præcipuè dandi, neq; induci neq; finiri tempore possunt. l. 44. §. 1. d. O. & A. 4. conditionis d. l. 44. §. 2. §. modi §. 7. d. l. & loci. tot. tit. de eo qui cert. loc. 6. qualitas accessionis: quæ duplex est, rei & personæ; Rei cum mihi decem, aut Titio hominem stipulor: Personæ, cum mihi aut Titio stipulor d. l. 44. §. 4. & §. 4. §. 3. d. in util. stipul. 7. scriptura l. 17. C. d. fid. inst. pr. §. d. empt.

§. 25. VII. Deniq; collatio conditionis contractus in arbitrium extranei, nominati ut Titii, non verò incerti, l. 25. pr. loc. l. uli. C. d. contrab. empt. aut debitoris expressæ: ne sit in ejus arbitrio, an debeat l. 2. §. 2. de eo quod cert. loc. & c. l. 7. ff. d. cont. empt. l. fin. & 13. C. eod. siue ex voluntate debitoris obligatio statum capiat l. 108. §. 1. d. V. O. Quis enim putet, hanc valere stipulationem, quâ quis stipulanti decem respondeat, se daturum, quid vel quantum fuerit arbitratus: Et talis stipulatio quidem non valet, si arbitrium rem ipsam debitam ejusq; quantitatem concernat: Aliter verò res habet, quando non contractus, sed aliquid extra ipsum in debitoris arbitrium confertur l. 7. pr. d. contrab. empt. l. 24. loc. Nec obstat hic l. 3. C. d.

C. d. dot. promiss. quæ refertur ad privilegia dotis, ob cujus favorem singulare est introductum *Hett. 5. obs. 21.*

§. 26. *Causa finalis* est, ut commutatione rerum, sive operatum nostratum *indigentia proximi* sublevetur, nostrumq; ei auxilium præsto sit. Unde probè dixisse videtur *Oldend. Class. 4. 1.* Omnes contractus pertinere ad finem beneficiendi proximo, & in hoc eorum verum consistere usum, ut proximo nostro nostris facultatibus subveniamus. Quare eorum propositum nobis non aridet, qui in *vili quasi principalem contractuum finem* querere cupiunt, sicuti id facit *Giph. 7. ad tit. d. oblig. in f. Utilitas quoq; Reipub. ac hominum inter ipsos consociatio contractuum exercitio conservatur. Ritterb. ad l. 23. d. R. 7. p. 2. c. 16. p. 218.*

§. 27. *Effectus* est obligatio, cujus proprium est, non ut nobis quid ipso jure acquirat, sed ad dandum faciendumq; aliquem obliget. *l. 3. ff. d. O. & A. l. traditionibus C. d. pact. & actionem personalem ad id, quod est in obligatione, exigendum producat arg. l. 42. §. ea obligatio d. procur. §. 1. f. d. act.*

SECTIO QUARTA

DE

CONTRARIIS.

§. I.

Contractui adversantur *I. error & dissensus*, si nimirum aliud hic, aliud ille sentiat *l. 57. d. O. & A. l. 83. d. V. O. l. 137. §. 1. cod. l. 9. pr. ff. d. contrab. empt. l. 14. l. 41. §. fin. cod.*

§. 2. *Error* quoq; causa conventioni nocet, adeò ut si alià opinione rem, quàm quàm mihi data sit, accipiam, nihil agatur, unde si v. g. pecuniam mihi quasi donaturus dederis, & ego eandem quasi mutuam accipiam, neq; donatio est, ne-

diffensus & error impedit. Sine titulo autem dominium transire nequit l. 31. d. acquir. rer. dom.

§. 3. Sed si hoc casu nummi sint consumpti, an danti detur eorum repetitio? Ad quod *negativè* responderetur, & repenti *exceptio doli mali* objici poterit, quia secundum ejus voluntatem nummi sunt consumpti d. l. 18. pr. consumptio enim bonâ fide utentem, dominum cum faciat, simul etiam æquitati exceptionis locum faciet. Quæ tamen exceptio condicenti non obstabit, si casum invertas, & pecuniam mutui causâ datam, tanquam donatam acceptam proponas d. l. 18. §. 1.

§. 4. II. *Vitæ & metus*: quia nihil consensui, qui in contractibus summè est necessarius, tam contrarium est, quàm vis & metus d. 116. d. R. 7. Unde licet consensus coactus, qui etiam est ex *ratione subtili* consensus l. 21. §. pen. quod metus caus. Paul. lib. 1. tit. 7. contractum per se subsistentem inducat, Prætor tamen omne, quod metu gestum, *restitutione in integrum* rescindit l. 1. §. 106. tit. ff. quod met. gesti.

§. 5. III. *Dolus* quoque contractus facit inutiles, l. 7 pr. d. dol. l. 1. C. d. rescind. vend. ibiq. Gorbos. l. 16. §. 1. d. minor: et quidem contractus *stricti juris* siue dolus incidit, siue causam contractui dederit, ope exceptionis l. 36. d. V. O. quia hi contractus ex subtilitate juris civilis subsistunt, & actio ex iis nascitur, quam objectio exceptionis doli mali impugnat & excludit, l. 5. C. d. inutil. stipul. l. 38. d. V. O. Contractus verò b. f. *consensuales* ipso jure, si causam dolus contractui dederit, sunt nulli & in effectus, per d. l. 7. §. 1. d. minor l. 9. in ff. pro fidei. quia b. f. nihil adeo adversatur, quàm dolus l. 37. §. fin. d. contrab. empt. & ubi dolus causam dedit contractui, nulla videtur superesse actio, per l. 3. de rescind. vend. ubi dicitur empto agi non posse, quia huic iudicio exceptio doli insit, quàm omnibus b. fidei iudiciis in esse probatur ex d. l. 3. l. 84. §. 5. d. leg. 1. Ubi autem in his conventionibus dolus tantum incidit, potest is per actionem purgari, quando deceptus agit d. l. 7. §. 1. l. 13. §. 4. d. act. empt.

§. 6.

§. 6. Dixi jam: *Consensuales*: ut excludam *b. f. reates*, quo. dolum causam dantem, nullos efficere posse, haut credam, quod cum magnus effectus sit traditionis, per quam hi contractus perficiuntur, vix propter dolum nulli videri possunt: quoniam, si stipulationem nuda verba, præter quæ nihil in ea est, nisi consensus, sustinent, ead. ratione commodatum, vel pignus propter interventum rei sustineri poterit; *arg. l. 2. C. quando licet ab empr.* quæ etiam ratio est, cur mutuum ipso jure subsistat; facit 2. quod textus iuris, quibus *Dd.* pro omnibus *b. f.* contractibus hic utuntur, de contractibus consensu constantibus tantum agant, velut *d. l. 16. §. i. d. m. n. l. 3. pro soc. l. 7. pr. d. dol. id. domonstunt.*

§. 7. Coronidis loco queritur, an *turpis causa*, in conventionem expressè posita, de cuius turpitudine constat, ejus sit effectus, ut stipulationem faciat ipso jure nullam? Quod affirmare videtur *l. 5. C. d. cond. ob turp. caus. l. 26, 27. l. 123. d. V. O.* Sed contraria sententia apud nos palmam mereatur, nostrumq; suffragium auferat, propter *leg. pen. ff. d. condit. ob turp. caus.* ubi petitor exceptione submoveri dicitur, quod validitatem contractus certe arguit, accedit quoq; ratio, quod causa non sit de essentia stipulationis, nec promissioni cohæreat *arg. l. 2. §. circa & seq. d. dol. m. n. l. excep. & 3.* quod causa turpis non impedit translationem dominij, quia conditionis natura ostendit, reum esse dominum: E. nec impedit oriri obligationem, quoniam & hæc & illud sunt ex jure gentium, & nuda traditio, ubi nulla præcedit causa, non transfert dominium *l. 31. d. acquir. ren. dom. facit deniq; l. 7. §. 8. ff. d. pat. ubi stipulatio super re illicitâ rescindenda dicitur.*

§. 8. Neq; obstant *textus contrarij*, quia rectè dicitur stipulationes turpes esse nullas, *respectu effectus*, datâ nimirum & oppositâ exceptione *l. 5. C. d. inutil. stipulat. Gothof. ad l. d. 27. multo minus conclusio accipitur, ut denegari*

ob turp. caus. ubi ait, ex eo, quod in *d. l. 5. de negandas esse*
actiones dicitur, præsupponi, quod revera aliquæ sint
actiones.

COROLLARIA.

I.

Rebus venditis per beneficium *l. 2. C. d. rescind. vend. avocatis*, hypotheca, sive pignus in iis, ab emptore tempore possessionis constitutum, non resolvitur.

II.

Illud ipsum, quod in jure respectu *servientis prædii*, *Servitus* vocatur, respectu *dominantis*, *jus* appellari potest.

III.

Servitus itaq; & *jus* quoad *materiale* sunt idem: quoad *formale* verò diversa.

IV.

Sed *Servitus*, quatenus *Servitus*, sive

in

in genere sive *in specie* accipiat, non rectè per *jus* definitur.

V.

Rectius enim servitus *formaliter* considerata per *privationem*; & ejus *species* per *Servitutem* definiuntur.

VI.

In servitutum realium essentiâ cognoscendâ *immediatè* & *primariò* intellectus noster ad prædium serviens; *Secundariò* & *mediatè* ad prædium dominans defertur.

VII.

Interim tamen ex optima ratione *Bachovius* servitutes reales à prædiis dominantibus denominat.

VIII.

Malè autem ille asserit, iter, actum, & viam, *specie* non differre.

IX.

Iter & actus habent sed ad viam ut
partes, & vicissim via ad iter & actum
ut totum.

SACROSANCTAE TRIADI
SIT LAUS, HONOR, ET
GRATIARUM ACTIO
IN INFINITA
SECUla.

